




Sr. Presidente da Xunta de Galicia:

O pasado 31 de xaneiro unha representación da Unión de Federaciones Deportivas Galegas, no sucesivo UFEDEGA, entrevistouse coa Secretaria Xeral para o Deporte, que estivo acompañada polo Xefe do Servicio Provincial de Deportes da Coruña. Nesa xuntanza lle transmitimos, por escrito, unha serie de problemas que afectan e preocupan ás federacións deportivas galegas e os seus estamentos asociados.

Xa pasaron dous meses e non houbo resposta por parte da Administración autonómica sobre as propostas formuladas, agás que a UFEDEGA non recibirá ningunha axuda económica da Xunta de Galicia. Por elo, solicitouse unha xuntanza co Presidente da Xunta de Galicia, estando na actualidade á espera da súa resposta.

A continuación, expóñense as principais inquietudes do sector federado galego. Asemade, fórmulanse peticións concretas ao goberno galego.

1. A evolución dos orzamentos do deporte galego. Nos últimos anos, en concreto dende o 2009, os orzamentos aprobados polo Parlamento de Galicia foron reducindo progresivamente a partida correspondente ao programa “*Promoción da actividade deportiva*”, no que se inclúen os diferentes capítulos dirixidos ao deporte: federacións galegas; Inef Galicia; Fundación Deporte Galego; Deporte Escolar; axudas a clubs e deportistas galegos de Alto Nivel ou mesmo investimentos, entre outros.



Previamente, o respaldo presupuestario dos gobernos anteriores ao programa “*Promoción da actividade deportiva*” foi medrando. No período 2003-2008, pasouse de 24,7 millóns de euros ata 41,9 millóns, o que representa un incremento do 69,36%. Pero foron nas tres últimas lexislaturas cando o descenso dos orzamentos para o deporte galego propiciou graves problemas ao sector. Dende o 2008 ata o 2014 baixou ata o 56,43%, cifra similar ao descenso das federacións deportivas galegas.

Os diferentes axentes do deporte galego, encabezados polas federacións deportivas, amosaron, no seu momento, comprensión e unha enorme sensibilidade polos efectos da crece, entendendo que todos os sectores sociais tiñan que expresar a máxima solidariedade. Pero o límite dos sacrificios posúe tamén data de caducidade. Lamentablemente o deporte galego atópase, inda na

actualidade, ao 45% do respaldo económico que tiña fai xa 9 anos e incluso por debaixo do exercicio 2003.

2. As funcións públicas delegadas. Pero, a pesares dese dramático descenso nos orzamentos, as federacións deportivas galegas seguiron desenvolvendo ás funcións públicas delegadas e indicadas no artigo 56.4 da Lei 3/2012 do deporte de Galicia. O fixeron con moitos sacrificios, colectivos e persoais, moi por encima da aportación económica que a Xunta de Galicia debería destinar para organizar as actividades encomendadas por ela mesma ás propias federacións, recoñecidas, asemade, de “*entidades de utilidade pública*” pola propia Lei do deporte.

O relevante descenso dos orzamentos ao deporte galego estivo acompañado por unha demanda burocrática por parte da Administración autonómica ás federacións deportivas galegas. Algunhas chegaron a recibir 2500 euros da subvención anual da Secretaría Xeral para o Deporte. E dicir non poden contratar legalmente a un administrativo co Salario Mínimo Interprofesional,

(9.906,40 € /ano) para que poida desenvolver funcións básicas e responder en tempo en forma ás demandas, cada vez, maiores, da Xunta de Galicia.

ANO	ORZAMENTO DEPORTE	PORCENTAXE
2003	24765150	
2004	27858582	
2005	30957352	
2006	34819141	
2007	38354815	
2008	41943862	
2009	41255760	100,00%
2010	34863284	83,12%
2011	22755181	54,25%
2012	21411582	51,05%
2013	18553290	44,23%
2014	18272675	43,56%
2015	18548149	44,22%
2016	19611207	46,76%

Cada vez son mais ás federacións deportivas galegas que se plantexan, a través dos seus órganos de goberno, renunciar á subvención da Xunta de Galicia ou mesmo declinar as funcións públicas delegadas, no caso de que a situación se mantéña. Por elo é moi urxente recuperar o nivel económico perdido. Certo é que estas funcións públicas deben ser exercidas polas federacións, inda que tamén as podería asumir a propia Administración, segundo o artigo 56.5 da Lei 3/2012 do Deporte de Galicia. “*nos casos de extinción da federación ou cando ésta teña unha situación concursal*”. Pero tamén procede que a Xunta de Galicia “tutele”, non soamente con esixencias burocráticas, senón mesmo coas mínimas aportacións económicas que permitan desenvolver as funcións públicas delegadas.

Pídese un plan para recuperar os orzamentos perdidos polo deporte galego nas últimas tres lexislaturas.

3. *Desenvolvemento da Lei 3/2012 do Deporte de Galicia.* As Federaciones Deportivas de Galicia tamén reclaman dende fai anos un desenvolvemento da actual Lei galega do deporte. Por exemplo, na actuación autonómica en materia de prevención e de loita contra a dopaxe no deporte, nin tan siquiera está constituída na actualidade a Comisión indicada no artigo 130, cinco anos despois da aprobación da Lei. O mesmo pódese indicar sobre a actuación pública na prevención e represión da violencia e das condutas contrarias á boa orde deportiva, xa que tampuco está nomeada a Comisión Galega de Control da Violencia (artigo 148) e xa pasaron case cinco anos dende a súa aprobación.



Non ten sentido que a Lei obrigue ás federacións deportivas galegas a aprobar en asemblea, e durante o último trimestre do seu exercicio económico, o orzamento correspondente ao seguinte exercicio e remitilo á Administración deportiva no prazo dun mes desde a súa aprobación, cando, todavía fai 10 días que a Xunta de Galicia comunicou ás federacións deportivas a subvención do exercicio 2017.

A propia Lei establece no artigo 12 os beneficios fiscais en aqueles impostos nos que teña capacidade a Comunidade Autónoma para establecer a normativa e promover actividades en concepto de patrocinio ou mecenazgo

Solicítase un Plan lexislativo que afecte directamente ás federacións deportivas que permita estimular a aportación de fondos da empresa privada, desenvolver mellor as función públicas e colaborar mais eficazmente coa Administración.

4. *Ley de Financiación das Federaciones Deportivas Galegas.* Ao igual que existen Leis de Financiación de Partidos Políticos ou mesmo Leis de Financiación do Transporte Público creemos positivo lexislar sobre una Lei da financiación das Federaciones Deportivas Galegas, no que se regularice o custo das función públicas delegadas asumidas. Asemade, todas as esixencias administrativas asociadas.

Propoñemos o desenvolvemento da Lei de Financiación das Federaciones Deportivas Galegas.

5. **Convenio co Servizo Galego de Saúde (SERGAS).** Asemade, a Lei indica que “a asistencia sanitaria será prestada, no marco das competicións deportivas oficiais galegas, mediante contratos con entidades privadas ou con convenios con entidades públicas”. As Federacións Galegas proponen abaratar os custos cun convenio da Secretaría Xeral para o Deportes co Servizo Galego de Saude (SERGAS) e de que exista una atención primaria do Servizo Público de Sanidade aos deportistas galegos. Na actualidade está penalizada economicamente a práctica deportiva, cando un dos valores intrínsecos do propio deporte é a adquisición de hábitos saudables; tamén dunha mellor saúde e, consecuentemente, dun menor gasto sanitario.



Solicítase, aparte do convenio co SERGAS, que a Administración deportiva autonómica impulse convenios cos centros de medicina deportiva coa finalidade de colaborar na preparación dos deportistas e no seu progreso.

6. **Actualización dos datos do Rexistro de entidades deportivas de Galicia.** Consideramos que tense que actualizar os datos do Rexistro de entidades deportivas de Galicia e, mesmo, a modificación da regulación previa, dando valor real á función social que teñen que desenvolver, evitando que se especule cos beneficios das asociacións deportivas sen ánimo de lucro
7. **Apoio do goberno galego á UFEDEGA.** A Xunta de Galicia, a pesares do recoñecemento que fixo á figura da UFEDEGA (Unión de Federaciones Deportivas Galegas) o ano pasado na Lei 3/2012 do Deporte de Galicia, e que se valorou de forma moi positiva, non concede ningunha subvención a este organismo, ata o día de hoxe, ao contrario que as comunidades autónomas que a teñen recoñecida á similar (Cataluña, País Vasco, Andalucía, Madrid, Castella e León... etc). Isto agrava moito mais a situación das federacións deportivas galegas asociadas que atopan nesta figura unha axuda para xestionar temas de interese común e abaratar custos: seguros de accidentes deportivos; responsabilidade civil; auditorías; viaxes; indumentarias... etc. Aparte de supoñer unha ferramenta útil ao propio deporte galego. A Xunta de Galicia non concedeu nin tan siquiera un local para á UFEDEGA



UNIÓN FEDERACIONES
DEPORTIVAS GALEGAS



Apoian o presente documento os presidentes das seguintes federacións deportivas galegas:

A Coruña, a 31 de marzo de 2017